

HISTOIRE
 DU CANADA
 ET
 VOYAGES DES PERES RECOLLECTS
 EN LA
 NOUVELLE FRANCE.

LIURE SECOND.

Commencement du voyage de l'Autheur pour les Hurons. — Rencontre d'un Pirate Holandois, & du danger qu'ils coururent estant eschoüez.

CHAPITRE I.

113 Nostre Congregation se tenant à Paris, nos Peres touchez & illuminez de cest esprit diuin qui conduit les Apostres entre les peuples Gentils, donnerent ordre au Pere Nicolas Viel & à moy, d'aller secourir || nos freres qui seuls auoient la mission de la conuersion du Canada, pendant que d'autres se dispoioient pour les lieux Saincts que nos freres ont en leur gouuernement avec plusieurs Conuents en Leuant, où ils ont liberté de seruir Dieu, mais avec peine à cause de l'auarice du Turc, qui leur fait souuent des auanies. Comme enfans obeïssans & suiects de la S. Eglise, après nous